

褚匯宗著

國際經濟戰爭與中國

民國二十五年十二月出版

雲夢楮匯宗著

國際經濟戰爭與中國

民國二十五年十二月初版發行

必 翻  
究 印

# 國 際 經 濟 戰 爭 與 中 國

民 國 二 十 五 年 十 二 月 初 版

◀ 實 價 二 元 四 角 ▶

代  
售  
處

黎  
明  
書  
局

上 海 福 州 路

印  
刷  
者

上 海 新 開 路 甄 慶 里  
民 光 印 刷 公 司  
電 話 三 三 六 〇 九 號

出  
版  
者

褚  
匯  
宗

著  
者

褚  
匯  
宗

## 居序

人類因生存而有競爭，社會因競爭而有文明。上古生活簡樸，墾井耕田，足以自給。厥後生齒日衆，生計日艱，乃不得不竭其智力體力，開拓經營，與此大自然相搏鬥，而競爭起矣。夫所謂競爭者，固非巧取強奪，移他人勤勞所得，以供一己之需。乃就其天賦資源，加工製造，講求利用厚生之道，務使地盡其利，貨暢其流，財盡其用，人人得享人類安定之生活而已。今日國家，大多昧於斯義，祇圖本國經濟之發展，逕行各種之侵略，於是有所謂集團主義，經濟國家主義，競相角逐。先進之國，徒爲自身利益，而以落後國家，供其尾閥，此今日國際社會之所以杌隉不寧，而人類紛爭之有加無已者也。當此世界資源再分割之說，甚囂塵上，我國產業落後，欲求免受侵蝕，允宜自力更生，以謀經濟復興，而行民生主義。余閱楮君所著國際經濟戰爭與中國，嘉其剖析世界經濟現象甚詳，因而有感於中國之危機，益信國民經濟建設運動之刻不容緩也，特綴數語歸之。

民國廿五年九月居正序

## 孫 序

國際經濟戰爭，至今日而極，一由於戰後之凋敝，一由於資源分配之不均，此帝國侵略主義所以日益張目也。夫經濟爲立國之本，苟有動搖，國家民族之存亡繫焉。列強乃鉤心鬥角，縱橫捭闔，期外以排拒，內以自固。由是國內外經濟集團制度，雲湧風起，此其意在於排除競爭，而不知競爭乃因是而日烈，軍備益以擴張，戰雲日以迫切，十年二十年之後，安知禍患之所云極乎！吾國經濟向稱落後，不足語於國際競爭之列，惟地大物博，淪爲列強商戰逐鹿之場，『子有庭除，弗洒弗掃；子有鐘鼓，弗鼓弗敲。』坐令他人入室，不誠大可哀耶？故吾國經濟，首在自力更生。苟國民經濟建設，得以成功，則自給自足，不待他求，斯吾民族吾國家得立足於世界國際之林。而不然者，坐待刀俎割割而已。嗟夫！古之亡人國者以武力，今之亡人國者以經濟，言念及此，可爲寒心！楮君匯宗，於世界經濟，素有研究，尤愾然於帝國主義者之用心。思喚醒國人，同起挽救，因有國際經濟戰

爭與中國之作。吾受而讀之，覺其剖析精詳，指陳剴切，裨益於吾國建設者甚大，誠有心人。劉覽既畢，譯序而歸之。苟能人手一編，置諸座右，時時省覽，倘亦復興民族之一助也歟！

中華民國二十五年十月孫科序

## 焦序

褚君容川著國際經濟戰爭與中國，屬稿既定，舉以質子。予受而讀之，不禁瞿然驚，惕然懼，而恍然於亡人國者之不操戈矛也。人之大欲曰生，而用之以養生衛生者，求諸己有時而竭；於是爲競生存而窮其智力於攘奪，連用之妙，盪決之烈，與時偕進，而經濟戰爭爲尤甚，其毒至深，而拔之甚難。環吾國而立之列強，鉤心鬥角，於經濟戰爭之攻擊與防守，既已疲於奔命矣，相持不下，必至兩敗俱傷。此世界資源再分割之運動，所以應時而興。而富源最博，市場最廣，國勢最弱者，莫我國若。故我國苟不能自力更生，則將夷爲國際經濟戰爭之屠宰場，可斷言也！比年以還，激於治經濟學者之大聲疾呼，國人亦稍稍振其聳聳。褚君專攻經濟，垂二十年，雖以戎馬之倥傯，簿書之鞅掌，租賦之追逼，疾病之相厄，而殫精竭思，未嘗稍廢；而尤致力於復興我民族經濟之大計。平居嘗偶發其蘊爲文以揭諸雜誌報章；而斯編之作，則哀然集其大成也。舉凡國際經濟戰爭歷史之演進，中國經濟之特質及其危機，世界經濟之變遷與今後之傾向，皆有深刻之認識，縝密之探討，由是

而發爲堅決之主張，圖根本之挽救。以國家建設，扶植民族經濟之發展，以民族經濟，抵抗國際經濟之侵略，且進而謀排解國際經濟戰爭之糾紛，以臻於大同之域。炎炎之言，可謂慮遠而識大，倘能本此而推之行事，其效可計日而待焉。予又欣然以喜，因速褚君，付之剞劂，以與國人共商權之。而書其所見於此。

中華民國二十五年國慶日武功焦易堂



## 張序

資本主義發展到帝國主義的時候，其最主要的特徵，是向外的經濟侵略，牠要求廣大的市場，原料產地，以及投資的勢力範圍。十九世紀下期以來，世界列強，無一不努力的向外擴張，以奪取殖民地及半殖民地的，其原因即在於此，亞洲以及太平洋各島嶼，均爲帝國主義勢力所籠罩，即向稱黑暗大陸的非洲，亦於短短十餘年間，而被瓜分殆盡。無數萬的弱小人民，在他們的鐵蹄之下，匍匐而呻吟着。

但是世界殖民地及半殖民地有限，而帝國主義的慾壑難填。殖民地既已瓜分殆盡，必然要因分贓不勻，而引起他們相互之間的大火併。其犧牲人民三千萬有奇，以及損失財產不能以數計的第一次世界大戰，就是這樣發生的。巴黎和約以後，無論戰勝國或戰敗國，都因元氣大損，急待休養，未能馬上從事於戰爭，所以得到了短期的世界和平。不過資本帝國主義的機構並未改變，其競爭，掠奪戰爭的本質，還是仍舊存在，所謂和平，當然是不能長此保持的。

自一九二九年世界大恐慌發生以來，國際市場已是大大的縮小了，各國已是生產過剩，存貨山積了，於是閉廠停工，失業者動以千百萬計，各帝國主義者爲了挽救自己的壽命起見，遂不得不高築關稅壁壘，來保護本國的市場，復不得不組織經濟集團，來完成壟斷殖民地的企圖，更不得不進行貨幣戰爭，以冀實行其對外的傾銷政策。這一切的經濟戰爭，其激烈的程度，實爲前此所未有。他們相互之間的這種極度深刻的經濟矛盾，自然又要引起政治與軍事的衝突，所以各國此刻正在擴充軍備，摩拳擦掌，以準備第二次的大撕殺呢！

吾國是處於次殖民地地位的，一切帝國主義者，差不多都是以中國爲角逐場。不僅他們相互之間的每一競爭，悉與中國有關聯，並且還是以分割中國爲其主要的命題，租界和租借地的掠奪，以及勢力範圍的劃分，這些歷史上的血跡，已是毋待贅言，而近五年來的東北變色，冀察垂危，尋且湖江而上，遼海而南，亦感種種威脅，都無非是帝國主義者，想以中華民族的血肉，來滿足其經濟侵略的要求而已。一般淺近者流，竟有以目前的中國之外患，與中國歷史上宋明諸朝所遭之外患相提并論者，真所謂「盲人騎瞎馬，夜半臨深池」也。

楮君此編，從帝國主義的經濟戰爭，說到吾國之被侵略與宰割。抉隱發微，推原究委，使讀者瞭然於吾國經濟命脈之受人操縱，以及吾國病根之所在。此誠給與有志救國者以實際指導不少，且足堅強吾民族之奮鬥精神，故予樂爲之序。

中華民國二十五年九月二十日 江陵張知本序於海上

## 梁序

我國地大物博，天然資源，分布全國，足以自給自足而有餘。祇以近世紀來，歐洲產業革命之勃興，工商業之發達，致使世界經濟失其均衡而為畸形之發展。其時我國適值清政衰敝之餘，懵然無知，坐視歐洲經濟勢力之侵入而莫為之所。數十年間，竟淪於次殖民地之地位而無以自拔。蓋生存競爭，物理皆然，人類自不能獨異。初民之世，地曠人稀，其所需於天然資源者，不若近世之急切；其鬥爭也，亦不若近世之劇烈。迄乎晚近，天然資源隨人口之增加而愈缺乏，物質文明之進步，其鬥爭之方式，亦隨之而愈趨急劇。前期歐戰，震撼世界，殷鑒不遠，可為寒心！但生存競爭，為人類必然之要求，是以歐戰以後，雖有若干非戰論者，祈禱世界之和平，而和平終不可得。比年以來，世界各國備戰之勤，攘奪之烈，反更倍於往昔。我國百年以來，受世界列強桔桎之深，近年雖努力更生，然未足與歐美列強相頡頑，言念及茲，深為警懼！楮君匯宗著國際經濟戰爭與中國一書，對

于國際經濟，探討至深，而於中國之經濟現狀，以及與國際經濟之關係，研究尤為詳盡。爰綴數語，以介紹於留心經濟問題者。

民國二十五年十一月梁寒操序

## 衛序

紀元二十有五年九月，褚雁宗君出所著「國際經濟戰爭與中國」一書，囑爲撰序，挺生披覽之餘，知君慨然述作，意在闡明國際經濟戰爭之由來，與其逐漸推演變化以至最近之情勢，而力圖解除我國當前之國難，藉樹永久之國策，用意甚善，烏可無一言酬君惓惓之雅哉。蓋晚近數十年來，國勢不競，民生日蹙，其外來者如強力之壓迫，膏血之吮吸，雖人人皆知，而支治盜敗，清政不綱，生齒日繁，教養兼失，在上者諱疾忌醫，知而不言，在下者撫膺太息，手無斧柯，馴至貿易，則年年出超，資源則時時被攘，勞農則困苦顛連，社會則秩序不寧，凡若棉布、絲茶、鐵礦、煤礦、路權、稅務、輪運、航空、金融、貨幣，每每受人扶持，仰其鼻息，迨義師北伐，莫都南京，大聲疾呼，振聳發聵，於是國民生計，國家經濟，始爲人人所注目，起而謀挽救之方，而樁君積年研究，洞觀無隱，於其影響於我國者，尤爲深切著明。爰草是書，以昭國人，鄭高密所謂箴膏肓，起廢疾，其在此乎。其在此乎。

衛挺生序於國民政府立法院之鷓園

## 方序

我國古代諸侯之所寶者三，土地、人民、政事，斯三者爲國民經濟之基礎，其所以寶之者宜也。我國土地之廣亞於英俄，人民之衆冠於列國，而經濟反落人後者無他，前此政事未臻完善耳。蓋有善良之政事，斯能運用經濟之政策，而經濟現象，乃隨時代而變遷。曠觀世界經濟之現象，歐戰前與歐戰後截然不同，各國國情懸殊，其所運用之經濟政策亦迥異，至最近有所謂統制經濟者焉，有所謂計劃經濟者焉，更有所謂集團經濟者焉，經濟現象益複雜，其所探之政策益紛歧，而治斯學者益難探其底蘊。余友褚君誦宗近著國際經濟戰爭與中國一書，對於各種學說論焉甚詳，對於我國經濟現象，如對外貿易問題，新貨幣政策問題，整理公債問題等，尤能顯微闡幽，皆可使學者原始要終，豁然貫通焉。日儒坪井氏有言曰，戰爭之源基於經濟，今世之競爭，不外保存種族與維持生活而已，所謂維持生活者經濟問題是已，今日國勢岌岌，民生疲弊，舉國上下已知研究經濟爲當務之急，如實業部之設立國際貿易局農本局，財政部之勵行法幣政策，鐵道部之謀增

築幹路，而民間各有經濟學會之創設，或專調查，或專研究，然則是書一出，亦可為攻斯學者之津梁也已。

中華民國二十五年十月一日方宗綏序於舊都



## 聞序

吾國自海禁開放與外人通商以還，歷年來因不平等條約之束縛，飽受各國軍事政治文化及經濟等力量之侵略，尤以經濟侵略為表面和平而實際最易收效方法，馴至吾國淪于次殖民地之地位，膏肓痼疾，由來已久矣。目前國際間因受經濟恐慌之激盪，競爭益烈，其于國內多倡導統制經濟或計劃經濟以調整其生產機構，其于國外多組成集團經濟，一方企圖原料供給之便利他方復佔有出品消納之市場，而其他集團縱欲侵入，然壁壘森嚴，無能插足，競爭劇烈有如此者。此際惟吾國仍然以農業立國，生產技術落後，且地大物博，原料供給極富，人口衆多，消費市場極大，加以條約束縛甚嚴，而金融力量薄弱，又值各國出路斷絕之時，于是均視吾國為其調劑供求之尾閥，尤以太平洋有關各國為甚，委肉食于餓虎之蹊，其能不披靡崩潰者幾希矣。然在吾國為力求自身經濟束縛之解放，促進經濟建設之完成，第一應排斥他國經濟力量之侵入，第二須利用他國資源以完成建設，在矛盾環境之中而求其出路，應有一定之步驟，究應如何規劃，實為